

his verbis hanc urbem describit, *Dunelmum est collis ab una vallis planitie paulatim, & molli clivo turgescens in cumulum, & licet situ aspero, & praeprupto rupium omnem aditum excludat hostium: tamen moderni collibus imposuerunt castellum. Ad radices pedis Castellii defluit amnis piscosus, praesertim Istitio. Eodem fere tempore, ut habet vetustus ille liber, Guilielmus de Carelepho Episcopus, qui monachos hic denuo congregavit (eorum enim claustra Danus ubique subvertarat) demolita illa ecclesia, quam Aldwinus aedificarat, aliam meliori opere incepit, quam Radulphus successor perfecit, novamque postea fabricam Nicolaus Fernham Episcopus, & Thomas Melfcomb Prior anno Christi ccccxxli adjece-
runt. Satisque longo post intervallo ad Occidua-
m Ecclesiae partem W. Skirlaw Episcopus elegans opus substruxit, quod Galileam vocant, & in quod venerabilis Bedae tumulum marmoreum transtulit. Quo in loco Hugo de Puteaco olim aedificium inchoavit, in quo, ex antiquo libro loquor, muliebris licite fieret introitus, & qua non habebant ad secretiora Sanctorum locorum corporalem accessum, aliquod haberent ex sanctorum contemplatione solatium. Radulphus autem ille Episcopus (ut tradit historicus noster) locum inter ecclesiam, & castellum, quem multa occupaverant habitacula, in patentis campi redegit planitiem, ne vel ex sordibus contaminatio, vel ex ignibus ecclesiam attingerent pericula. Urbem etiam licet natura muniret, muro reddidit munitiorem, & augustiorem, a cancello ecclesiae ad arcem usque castelli perducta murum construxit longitudine, qui jam vetustati sensim cedit, nec hostilem unquam, quod acceperim, vim sensit. Cum enim David Brus Rex Scotorum ad Beauparke usque five Bereparke, (vivarium est illud suburbantum) ferro & flamma saevisset, (Edwardo Tertio Caletum Galliae obsidente) Henricus Percy & Guilielmus Zouch Archiepiscopus Eboracensis cum tumultuariis suorum cohortibus, se Scotis objecerunt, & ita animose aggressi sunt, ut primam & secundam aciem capto rege ad interu-
tionem fere ceciderint, tertiamque in eum timorem conjecerint, ut citatissimo, quam potuerant, agmine fugerint, nec praepruptissima loca pavori, donec in sua se recepissent, obstiterint. Nobilis haec illa pugna est, & inter multas memoranda Scotorum strages (quam praelium ad Nevilli Crucem nostri vocitant) Nobilissimis enim Scotorum in hoc caesis, & Rege capto, multos agros in confinio nostris cedere, & plurimas arces dedere coacti fuerunt. Sed haec de Dunelmo satis, cui si placet, cum Nechami Disticho, & Ionstoni Hexasticho valedicam,*

*Arte, situque loci munita Dunelmia salve,
Qua floret sancta religionis apex.*

*VEDRA ruens rapidis modo cursibus, agmine leni,
Seque minor celebres suscipit urbe viros,
Quos dedit ipsa olim, quorum & tegit ossa sepulta;
Magnus ubi sacro marmore BEDA cubat.
Se jactant alia vel religione, vel armis;
Haec armis cluit, haec religione potens.*

De Monachis ejectis, Praebendariis XII, Archidiaconisque duobus substitutis, & de Prioris nomine in Decani dignitatem mutato, nihil est quod scribam, cuivis enim sunt notissima. Lon-
Britannia.

gitudinem grad. XXI I, scrup. o, Latitudinem vero grad. LIII, scrup. L VII definitam habet.

Sub Dunelmo, ne hoc omittam, ad Orientem egregium admodum cernitur Xenodochium, quod Hugo ille de Puteaco Episcopus opulentissimus, & momentaneus Northumbriae Comes Leprosus (ut habet Neubrigensis) indulgentior, profusa quidem, sed tamen ex parte minus honesta largitione construxit. Alieni quippe juris non modicum huic devotioni per potentiam applicans, dum propria sufficienter impendere gravaretur. Attamen ad sexaginta quinque leprosos (praeter sacrificos) alendos proventus satis opimos assignavit.

Rectiori hinc lapsu in Septentriones Vedra suas aquas ducit per Finchale, ubi, Henrico Secundo regnante, Godricus vir antiqua, & Christiana simplicitate, totus Deo defixus solitariam vitam egit, & peregit, eodem loco sepultus, quo (ut habet Guilielmus ille Neubrigensis) vel orans procumbere, vel agrotus decumbere consueverat. Qui tantam sui admirationem hac sancta simplicitate excitavit, ut ejus memoriam ecclesiola R. frater opulenti illius Episcopi Hugonis de Puteaco honorarit. Inde Vedra defertur per Lumley castrum vivario inclusum, sedem Lumleyorum vetustam, quibus genus est a Liulpho viro in hoc tractu summæ nobilitatis sub Rege Edwardo Confessore, qui Aldgitham filiam Aldredi Comitis Northumbriae duxit. Horum Marmaducus matris insignia sibi ascivit, (cujus jure opimam Thwengorum haereditatem adierat,) scilicet baltheum, vel fasciam rubram inter tres virides Psittacos in clypeo argenteo, cum ante Lumlei gestassent Psittacos sex argenteos in parma rubra. Filia enim illa primogenita Marmaduci Thweng Domini de Kilton & una haeredum Thomae Thweng fratris sui. Radulphus vero Marmaduci illius filius primus Baro de Lumley a Richardo Secundo creatus erat. Quo honore Ioannes ab eo nonus hodie gaudet, vir absoluta animi virtute, vitae innocentia, omnibusque veræ nobilitatis ornamentis fenex honoratissimus.

E regione non procul ab altera fluminis ripa, sedet Chester upon the street, id est, Castrum, vel Urbecula ad viam publicam, Conceptor Saxonibus dicta, unde CONDERCVM ego judicari, in quo Alam primam Asturum Romanis temporibus stationem ad lineam (ut inquit) valli habuisse memorat liber Notitiarum. Pauculis enim milliaribus a Vallo, de quo postea dicendum, abest. Lindisfarnenses Episcopi cum Cuthberti sui corpore, Danica intonante tempestate, in hoc annis c XIII delituerunt. In cujus memoriam cum Egelricus Episcopus Dunelmensis novæ ecclesiae eo loci fundamenta jaceret, tantam pecuniæ vim defossam reperit, ut abunde jam dives episcopatu se abdicaret, & Petroburgum reversus, cujus prius Cæno-
biarcha erat, vias per paludes munierit, & alia opera non sine maximis impensis excitavit. Et longo post tempore Antonius Beccus Episcopus Dunelmensis ecclesiam Collegiatam, Decanum, septemque Praebendas hic instituit. In qua monumenta majorum suorum a Liulpho continua successione serie ad nostra usque tempora è dirutis monasteriis conquisita, vel de novo facta pulchro
H h h h h or-

Gallilæa.

Bereparke.
1346.
Prælium ad Nevills croffe.

Shirburn
Hospitale.

Finchdale.

Lumley.
Barones
Lumley.

Chester
upon the
street.
Condercum.